

# KULANKA 2AAD EE ZÚME QORAALKA MUUQAALKA

## Dhaqaalaha Ruuxiga ah

Kulankan, waxa aan uga hadli doonnaa Ilaah DHAQAALIHIISA RUUXIGA ah. Caalamkan guul darraystay dhexdiisa, dadku waxa ay abaal marintooda dareemaan marka ay qaataan, ama marka ay helaan iyo marka ay kasbadaan wax ka baxsan waxa ay haystaan.

Qorniinkiisa dhexdiisa, Ilaah waxa uu dadka ugu sheegayaa – “Fikirradaydu fikirradiinna ma aha, oo jidadkiinnuna jidadkayga ma aha.”

Ilaah waxa uu Boqortooyadiisa dhexdeeda inoogu sheegayaa in abaal marinteenno aysan ahayn waxa aan helno - Balse ay tahay waxa aan bixinno.

Ilaah waxa uu odhanayaa – “Waan idin badbaadin doonaa, oo barakaad noqon doontaan. Ciise wuxuu yiri - In wax la helo, waxaa ka barako badan in wax la bixiyo.”

In aan dadka siinno wixii Ilaah ina siiyay oo aan ku barakadayno wixii Ilaah nagu barakadeeyay waxa ay aasaas u tahay NEEFSASHADA xagga RUUXA ee aan hore u soo baranay.

Waxaa INA gala waxa aan Ilaah ka MAQALNO. Waxa aan Soo NEEFSANAA oo aan ADDEECNAA wixii aan maqalnay oo aan la ADAAGNAA kuwa kale.

Marka aan aammin ku noqono in aan ADDEECNO oo aan la WADAAGNO dadka wixii Ilaah inoo dhiibay, waxa uu ballan qaaday inuu intaas wax ka sii badan inoo dhiibayo.

Ciise waxa uu yiri – “Kan waxa u yar aamin ku ah, ayaa weliba wax badan aamin ku ah.”

Waa midkan jidka ahmiyadda weyn xambaarsan ee ah nolosha uu Ilaah inoogu talo galay ee uu in aan ku noolaano inoogu abuuray. Kan ayaa ah jidka aan ugu socon karno shuqulladii wanaagsanaa ee uu Ilaah inoo qorsheeyay in aan samayno.

Haddii aan doonayno in Ilaah abaal marintiisa ugu weyn nalagu abaal mariyo, waa in aan si ficil ahaaneed u qabannaa labada shey ee uu barakada ku ballan qaadayo.

Waa in aan —

- aan ADDEECNO oo dadka la WADAAGNO
- aan SAMAYNO oo dadka BARNO
- aan FICIL AHAAN u samayno oo aan sii GUDBINO

— aan samayno wax walba oo uu Ilaah inagu amray in aan samayno.

Haddii aan doonayno in kuwa kale ay helaan Ilaah abaal marintiisa ugu weyn, waa in aan sida lagu helayo tusinaa. Tani waa qayb weyn oo ah in xer la noqdo haddana ah qayb weyn oo xer samayn ah.

Waxaynu nahay RAACAYAAL iyo HOGAAMIYEYAAL  
Waxaynu nahay BARTEYAAL/ARDAY iyo BAREYAAL

Waxaynu nahay kuwo BARAKADAYSAN waana in aan noqonaa BARAKO

Ilaah nagama doonayo in aan sugno illaa aan wax walba ka ogaanayno inta aynaan bilaabin addeecista iyo la wadaagista ka hor. Taasi marna ma imanayso.

Ilaah nagama doonayo inaan si buuxda dhammays u noqono inta aynaan bilaabin badinta. Waxa uu naga doonayaa inaan isla markaaba bilowno badinta.

Ilaah waxa uu naga doonayaa in waxa aannu markaa garanayno aynu addeecis u yeelano isla markaana aan wixii aan maqalnay aan dadka la wadaagno.

Oo wuxuu kaloo naga doonayaa in kuwa kalena aan barno in ay isla sidaas sameeyaan. Haddaba – addeecista iyo la wadaaggu waa waxa uu Isagu inoo sheegay in aan samayno. Kan ayaa ah jidka qaangaadhnimada iyo koritaanka.